

Analizo de la "Dua provizora raporto" pri la platformo de la Konferenco pri la estonteco de Eŭropo (septembro 2021)

Ekde aprilo 2021 eŭropuniaj civitanoj eblas partopreni la civitanan konsulton de la "Konferenco pri la estonteco de Eŭropo" kaj per propraj proponoj kaj per voĉdonado kaj komento de ekzistantaj proponoj. Tiucele la Konferenco starigis platformon uzeblan en ĉiuj 24 oficialaj lingvoj de EU.

"Provizoraj raportoj" pri la platformo estas publikigataj de la Konferenco:

<https://futureu.europa.eu/pages/reporting> (tie alklaku "provizora raporto pri la platformo" je la fino de la teksto). Haveblas du raportoj:

- unua provizora raporto (periodo ĝis 2021-08-02, publikigita 2021-09)
- dua provizora raporto (periodo ĝis 2021-09-07, publikigita 2021-10)


La raportoj informas pri la uzo de la platformo kaj analizas tiun uzon, listigante la proponojn kun la plej granda nombro de **apogantoj** en ĉiu temaro kaj kun la plej granda nombro de **komentoj** en ĉiu de la naŭ temaroj de la Konferenco.

Kiu partoprenis ĝis nun?


La analizo uzas la informojn, kiujn partoprenantoj donis en la platforma demandaro pri si mem.

Ĉirkaŭ kvinono ĝis kvarono de la partoprenantoj respondis ne ĉiujn (aŭ neniujn) demandojn, do ilia loĝlando/ŝtataneco, aĝo, sekso ktp. ne estas konataj.

Loĝantoj de iuj landoj partoprenis pli ol loĝantoj de aliaj landoj (29% de partoprenintoj ne deklaris iun landon). Iĉoj (60%) estas pli nombraj ol inoj (15%), sed multaj (25%) ne skribis sian sekson.



Nombro de kontribuoj
(proponoj, komentoj
kaj eventoj) laŭ lando




Nombro de kontribuoj
(proponoj, komentoj
kaj eventoj) po unu
miliono da loĝantoj


La plej aktivaj aĝgrupoj estis homoj inter 55 kaj 69 jaroj resp. 25 kaj 39 jaroj.

Aĝo de la partoprenintoj

- ne deklarita
- 15-24 jaroj
- 25-39 jaroj
- 40-54 jaroj
- 55-69 jaroj
- 70 jaroj kaj pli



Kiuj temoj plej interesis eŭropanojn?



Raportaj resumoj

La resumoj en ĉi tiu dua (septembra) raporto **ne ŝanĝiĝis** koncerne lingvojn kompare al la unua (aŭgusta) raporto.

Post tre ĝenerala resumo, kie troviĝas jena frazo: *"sugesto de komuna lingvo unuiga estas larĝe trovebla en la tuto de la retejo en diversaj temoj"*, la raporto resume analizas la proponojn en la platformo laŭ la naŭ konferencaj temaroj. La redaktintoj prilaboris la datumojn de la retejo ĝis la 7a de septembro 2021.

Resumo de la temaro "Eŭropa demokratio"

En la paragrafo "Lingvoj kaj promocio de eŭropa spirito":

"Multaj partoprenantoj diskutas pri ideo elekti komunan lingvon por ke la civitanoj de tuta EU interkomuniku kaj pli bone komprenu reciproke (vidu ekzemple tiun ideon¹), ankaŭ pri propono celanta fari Esperanton unuiga lingvo (vidu ekzemple tiun ideon²). Tiuj du proponoj vekigas

1 <https://futureu.europa.eu/processes/Democracy/f/6/proposals/43>: "Ni bezonas komunan eŭropan lingvon" (proponinto Christian Ciavatta), ne proponas iun specifan lingvon.

2 <https://futureu.europa.eu/processes/Democracy/f/6/proposals/1304>: "Unu lingvo por la Eŭropa Unio" (proponinto Marco Tuttolomondo), pledas por Esperanto.

malsimilajn opiniojn, ĉu jes, ĉu ne, en la komentoj. Iuj partoprenantoj petas ankaŭ ke multlingveco estu pli bone respektata (vidu ekzemple tiun ideon³)."

Resumo de la temaro "Edukado, kulturo, junularo kaj sporto"

En la paragrafo "Promocii komunan eŭropan identecon":

"La estigo de komuna eŭropa lingvo estas konsiderata kiel ilo por eŭropa integriĝo, laŭ multaj partoprenantoj (vidu ekzemple tiun ideon⁴). La diskuto estas pri diversaj avantaĝoj kaj malavantaĝoj de iu komuna eŭropa lingvo, kaj pri la diversaj eblaj lingvoj, inter kiuj Esperanto, la latina (vidu ekzemple tiun ideon⁵) aŭ la angla (vidu ekzemple tiun ideon⁶)."

Listoj de proponoj en la anekso

En la anekso al la raporto troviĝas listoj

- ◆ de la **kvin** proponoj kun la plej granda nombro de **apogantoj** en ĉiu temaro kaj
- ◆ de la **kvin** proponoj kun la plej granda nombro de **komentoj** en ĉiu temaro.

Proponoj en la temaro Ekonomio

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo de la septembra raporto *kaj de la aŭgusta raporto [inter krampoj]*):

plej multnombro apogitaj	—
plej multnombro komentitaj	5. [4.] angla https://futureu.europa.eu/processes/Economy/f/10/proposals/455 : "Propono por anglaj urboj en Eŭropo" [kie oni uzas la anglan] (proponinto Afreen Hussain) KONSILO: Ne komentu tiun proponon! Ĝi verŝajne malaperos en la listo ĉar aliaj proponoj en ĉi tiu temaro havos pli multajn komentojn.

Proponoj en la temaro Valoroj kaj rajtoj

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo de la septembra raporto *kaj de la aŭgusta raporto [inter krampoj]*):

plej multnombro apogitaj	5. [-] Esperanto https://futureu.europa.eu/processes/ValuesRights/f/12/proposals/41119 "Por objektiva, faktbazita informo pri Esperanto! Egalaj rajtoj por esperantoparolantoj!" (proponinto Lu v. Wunsch-Rolshoven)
plej multnombro komentitaj	—

3 <https://futureu.europa.eu/processes/Democracy/f/6/proposals/15976>: "Kontraŭbatali nur anglalingvan publikadon de EU" (proponinto Pierre Dieumegard), pledas por Esperanto.

4 <https://futureu.europa.eu/processes/Education/f/36/proposals/9279>: "Esperanto kiel unua fremda lingvo" (proponinto Kerstin Brunner-Wenusch).

5 <https://futureu.europa.eu/processes/Education/f/36/proposals/484>: "Promocii la latinan en eŭropaj lernejoj" (proponinto Rodrigo Arévalo).

6 <http://futureu.europa.eu/processes/Education/f/36/proposals/998>: "Fari la anglan dua oficiala lingvo ene de EU" (proponinto Valter Freitas).

Proponoj en la temaro Eŭropa demokratio

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo de la septembra raporto *kaj de la aŭgusta raporto [inter krampoj]*):

plej multnombre apogitaj	—
plej multnombre komentitaj	<p>1. [1.] "komuna lingvo" https://futureu.europa.eu/processes/Democracy/f/6/proposals/43: "Ni bezonas komunan eŭropan lingvon" (proponinto Christian Ciavatta), ne proponas iun specifan lingvon</p> <p>5. [5.] Esperanto https://futureu.europa.eu/processes/Democracy/f/6/proposals/1997: "La eŭropa demokratio komencas per komuna lingvo: Esperanto" (proponinto Blandine Cattier)</p>

Proponoj en la temaro Edukado

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo de la **septembra** raporto *kaj de la aŭgusta raporto [inter krampoj]*):

plej multnombre apogitaj	<p>1. [3] Esperanto https://futureu.europa.eu/processes/Education/f/36/proposals/23893: "EU bezonas plibonigitan lingvolernadon" (proponinto Seán Ó Riain), pledas por esperantlingva "Multlingva akcelilo"</p> <p>5. [5] Esperanto https://futureu.europa.eu/processes/Education/f/36/proposals/260: "Lingvoinstruado en Eŭropo" (proponinto: Thomas Hufkens), pledas por Esperanto kiel dua lingvo en ĉiuj lernejoj</p>
plej multnombre komentitaj	<p>1. [1.] Esperanto https://futureu.europa.eu/processes/Education/f/36/proposals/23893: "EU bezonas plibonigitan lingvolernadon" (proponinto Seán Ó Riain), pledas por esperantlingva "Multlingva akcelilo"</p> <p>2. [2.] Esperanto https://futureu.europa.eu/processes/Education/f/36/proposals/260: "Lingvoinstruado en Eŭropo" (proponinto: Thomas Hufkens), pledas por Esperanto kiel dua lingvo en ĉiuj lernejoj</p> <p>3. [5.] Esperanto https://futureu.europa.eu/processes/Education/f/36/proposals/1536: "Esperanto – internacia helplingo" (proponinto Paolo Pellegrino)</p> <p>4. [–] Esperanto https://futureu.europa.eu/processes/Education/f/36/proposals/63064: "Pli feliĉaj lingvolernantoj, pli sukcesaj lingvoinstruistoj" (proponinto Ludoviko Molnár)</p> <p>– [4.] latina https://futureu.europa.eu/processes/Education/f/36/proposals/484: "Promocii la latinan en eŭropaj lernejoj" (proponinto Rodrigo Arévalo); emfazas ke la latina estas grava parto de eŭropa kulturo</p>

Rimarkoj

- **Komentado**

La raporto listigas multnombre komentitajn proponojn. Inter ili estas ankaŭ proponoj, kiujn komentas nur malmultaj partoprenantoj, sed intense (ekzemple "propono por anglaj urboj en Eŭropo"⁷).

Ni uzu tiun eblon plividebligi por-esperantajn proponojn, per plia komentado en lerta maniero: trafe, koncize, cele al ne-esperantistoj (do prefere ne en Esperanto!).

Ni **ne** komentu malmultnombre apogitajn "kontraŭ-esperantajn proponojn", kiuj verŝajne malaperos en la listo de la plej multnombre komentitaj proponoj ĉar aliaj proponoj en la koncerna temaro havos pli multajn komentojn ... **se ni ne kontribuas** al la kontraŭaj proponoj. (Ekzemplo: <https://futureu.europa.eu/processes/Economy/f/10/proposals/455>: "Propono por anglaj urboj en Eŭropo" [kie oni uzas la anglan].)

- **"Pliaj ideoj"**

Ideoj proponitaj en la kategorio "Pliaj ideoj" de la konsulta platformo ne aperas en ĉi tiu raporto. Tiu kategorio enhavas plurajn por-esperantajn proponojn, kelkaj el ili kun grandnombra apogo (ekz. "Esperanto, komuna neŭtrala lingvo, konceptita por esti facile lernebla"⁸ kaj "Oficiala agnosko de Esperanto kiel unu en la lingvoj de EU-civitanoj"⁹ kun po pli ol 200 apogantoj je la komenco de septembro; ili estis la du plej apogitaj proponoj sub "Pliaj ideoj").

Ĉar la kategorio "Pliaj ideoj" ne estas propra temaro, sed kolekto de ideoj, kiujn la proponintoj ne povis aŭ volis meti en iun specifan temaron, ne ekzistas iu civitana panelo, kiu pritraktos tiujn proponojn kiel kategorion. La Komuna Sekretariato de la Konferenco disigos ilin al specifaj paneloj laŭ enhava analizo de la proponita ideo (paĝo 5 de la raporto).

- **Kriterioj por listigo**

La kriterioj de listigo en la raporto ne estas evidentaj. Ekzemple, en la temo "Eŭropa demokratio", estas menciita *"Iuj proponoj petas ke estu nur unu kontaktpersono por la tuta EU, kiu parolos unuvoĉe en eksteraj rilatoj (vidu ekzemple tiun ideon¹⁰)."* Tamen tiu ideo havis nur unu aprobon, kaj neniun komenton.

- **Ĝisdatigo**

La redaktoroj de la raporto (eksterna firmao Kantar) reuzis la tekston de la antaŭa raporto kaj nur aldonis informojn pri novaj proponoj. La ĝeneralaj rimarkoj rilate Esperanton ne ŝanĝiĝis, do nenia plia analizo okazis.

7 <https://futureu.europa.eu/processes/Economy/f/10/proposals/455>: "Propono por anglaj urboj en Eŭropo" [kie oni uzas la anglan] (proponinto Afreen Hussain); diskutas ĉefe la proponinto kaj unu kontraŭulo, kaj intervenis nur tri aliaj komentantoj.

8 <https://futureu.europa.eu/processes/OtherIdeas/f/8/proposals/5399>: "Esperanto, komuna kaj neŭtrala lingvo, konceptita por facila lernado. Nova ilo por pli unuiĝinta Eŭropa Unio" (proponinto Enrique Hinojosa de Guzmán Alonso).

9 <https://futureu.europa.eu/processes/OtherIdeas/f/8/proposals/17955>: "Oficiala agnosko de Esperanto kiel lingvo de EU-civitanoj" (proponinto Louis v. Wunsch-Rolshoven).

10 <https://futureu.europa.eu/processes/Democracy/f/6/proposals/60689>: "Ununura kontaktpersono de EU eksteren" (proponinto EUROPE DIRECT Vorarlberg).